

4- نظار وآخر زمن ويعلموا الطلاب
وهم ما يعرفوش ترومان فاز لأي أسباب ؟
ومين أمير الشجن الموصلي أو زرياب
ومثني كلمة فنن وإيه الجمع للمرآب ؟
ياللي عايزين الدفن أو الدبح بالمنشار



تووونز 3

أنا قبل ما أدخلها تووونز كنت أنا فرحان
علشان هشوف جمالها واشوف رجال جدعان
لكن يا حسرة إلی شفته خد الفرحة منى وراح
وخلانى أرثى عشانها وأرجع وأنا زعلان
1- زعلان لأنى كنت فاكر إنى هقضى فيها أيام
مع شعب واعى وفاهم شعب ماشى تمام
لكن لقيتهم غجر وبحسبة حلال وحرام
جوال بقالى شهر ما سمعت فيها آدان
2- وشفنت مرة جماعة سمعوا الآدان يا هوه

- وقام حد منهم يصلى لأن الشعب ربوه
على السكر والعهر ولو يا خال نصحوه
ها تشوفه كشر وزمجر وسب بالاديان
- 3- وإكمنى رايح زيارة وما نيش ناقصنى صداع
فى حتة ومن القدم معروفة إنها مشاع
لذمت دارى أتارى إلتزامى ضايق الصياع
وأزاعوا إشاعة الجماعة إنى بابصبص على الجيران
- 4- جيرانى سمعوا الأاشاعة ما جوش يعاتبونى
لكنى شفت العداوة والغباوة يا سيادنا بعيونى
أما الصغار فى الحى فراحوا يضايقونى
فقررت أرحل وأعزل فورا و أشوف لى مكان
- 5- طلعت متغاظ أسأل فى نفسى وأقول
عداوة من غير سبب معقولة مش معقول
فجأة لقيت خربشة أتارى فيه مسطول
قاعد على جنب الطريق قاللى إعطينى دخان
- 6- هديت عطيته سيجارة قاللى إنته منين ؟
قلت له فارقة معاك ؟ قال لي لا وبعدين
با أنظر لاقيت عشة فاضية وهمس يا سي عوضين
إفهمت بعد السيجارة إن الجدع طحان
- 7- عرفنى على بنت قاللى إنها خطيبته
وكمان على ست قالتلي أنا قريبته
وبنت فى تاقرفت قارية كانت زمان جارتة
جاية زيارة لخالها وهاتمشى شهر كمان
- 8- قولت له أفوتك بعافية خليها غير اليوم

- ف فى مرة ثانية هجيك وأخليا إنبساط ونوم
لكن اللى شفته وسمعته خلانى أنا المهموم
أعيد حساباتى تانى وأرجع وأنا وحيران
9- سبته ومشيت لحالى قايد فى جسمى النار
ما أعرفش نار الأثارة ولا نار العار
لكن وبعد المداولة مع نفسى أخذت قرار
وغيرت فورا مسارى ونزلت عالنسوان
10- فتحت باب المودة وواربت أنا الشبا بيك
جاتنى على الصبح واحدة جايبة طبق بفتيك
قالتلى نعمل معاهدة إنته يا روجي إت ؟؟؟؟
وأنا عليه أجيب لك الكفتة والعصبان
11- الليل إجا من هنا وبنهاية السهرة
سمعت حركة غريبة سألت مين برة ؟
بالهمس جانى جوابها قالتلى دا أنا زهرة
جاية أزورك شوية وألعب معاك كونكان
12- يومين تلاتة لاقيت الباب خبط بالليل
لقت غزالة بعباية ليها خصر نحيل
دخلت لعندى أتاريها أم نبيل
إلى جمالها ودلالها محير قلوب شبان
13- ومرات تجينى حورية أو أختها هالة
والحجة للى تزورنى بكتب لها رسالة
علشان أبوهم زمان سافر لقشتالة
لا جا ولا قال هيجى حتى فى رمضان
14- أما اللى تجينى تملى وعمرها ما تخاف

- البنبت بتاعة الجرايد اللي إسمها در صاف
والسر فى دى الحكاية إنى جبت لها الاسعاف
فى يوم ما جرحت إيديها قزازه فى الدكان
15- ومرات تشاور لى جارتى اللي فى تالت بلكون
إلى شهادتها عالية واخداها من السربون
والقصد ناوية تجينى ولبس نصه شيفون
والنص هالى بقى مكشوف يا خال عريان
16- ومرات ألقى عراك واحد مع مراته
علشان غيابها كتر بتبعت لها حماته
يذيد الزعل بالليل تحلف له بحياته
إنها ما بايته معاه وتجينى أنا السهران
17- السكنة صبحت مزارة بنات على ستات
إلى غرضها صداقة واللى هدفها تبات
وتيجى لعندى العوانس واللى جوزها مات
تلقاها عندى تمللى علشان ناقصها حنان
18- واللى يعزمنى وأزوره بالبيرة والتفاح
وكاسين تلاتة اشوفه غط فى النوم راح
هوه ينام من هنا وألقى أخته صباح
أخذتنى لحنة تانية علشان نكون فى أمان
19- واللى أروح له زيارة أشرب معاه الشاى
وألقيه تركنى وقاللى ربع ساعة وجاى
الغيبه تطول ومراته تهبل يغلب هواها هواى
يبداً غرامنا بنظرة والنهية تكون قطران
20- وإن صحيت مرة و ضميري هزته ذنوبي

ألتقي نفسي تعاندي وتلاوع لو قلت توبى
فجأة يغلبني حنيني وألقي لبوة زى روبى
أنسى توبتى وأعود أعربد في البلد سكران
21- ع الحالة دي قضيت م الرحلة زمن
من غير ما أعاني كا البداية من محن
والسر أني عرفت أن شعبها يحن
للى جاي عايز يهلس ويحب بنت الحان
22- لكن وبرغم ما تشوف صراحة من إنحلال
ها تشوف رجولة وشهامة و جمال ما لهش مثال
لكن الذنوب والمعاصي فسحوا ألف مجال
للفساد يتهنى فيها والهلس والبوظان



نسوان - 4

أرجوكم يا بتوع وجه بقرى تلموا دى النسوان
وبلاش تخلوها تسافر لوحدها أو مع شحط جبان
يشغل لها قواد أو يطلعوا سوا يطلبوا إحسان
واللى عليه دفع التمن قهرا العامل الغلبان
اللى بيدوسه الزمن وبسببكم كل يوم يتهان
1- لا تقوالوا ليه تتكلم عن حكاية ليها سنين
وما تنساش 12 - 10 محافظة عايزين كده يا فطين
ونسوانهم أشطر أهى بتكسب الملايين